

Serenissime ac potentissime Elector ac
Domine,

Domine Clementissime.

Dum inter candida Palatinatus, Julia totius, Montiumq;
gaudia, & festivas totius Aulae ob redeuntia Electoralis
Suae Celsitudinis sidere felici natalitia voces & applausus,
hortensia theatra, aneolarumque, quot floribus, tot stellulis luci-
dissimis refulgentium daedalea claustra letus obambulo, florulen-
tas Veris delicias, quas Zephyrorum tepor, & amici Solis reditus
evocavit, admirans, Charitum consilio paucos è mille floribus,
qui sparsi viride gramen undique praetexunt, & Etesis dulce
spirantibus sua veolentes prodigunt odores, placuit eligere, è qui-
bus Serenissimo & potentissimo Electori floridam Coronam possem
contexere. Necdum curiosa manus in florum electione laborave-
rat, & ecce venerandos etiam Superis vultus praesefrens
è votis adstitit odorifera Chloris, corona nexilis variis flosculis
sublimem distrinxerat verticem, oculi sideribus pares virido
splendore scintillabant, frons hilaris, os Veneri simillimum, ma-
nus variâ florum fragrantia delibuta sertum multicolor ferebat,
vestis & argenteo colore lucida, & croceo flore lutea, & roseâ
purpura fulgida, & lato virore vernans, tam versicolor, tam
variegata, ut nullus flos, a vis nulla tot ludat coloribus, quam

unius Deae vestis una : ut tanta Deae praesentiam veneratus
sum , hortum Veris, & Veneris, Gratiarumque locum esse, meque
in Hymettum, Hyblamve, celebrata Poëtarum carminibus juga,
devenisse arbitrabar, jam à deliciis in delicias rapiabantur oculi,
& dissimiles florum colores simul oblectabant, natalique ferto
cupiebant implicari, cum florilega Chloris votorum meorum
conscia me deducit ad VIOLAM : en, ait, Veris primogeniam so-
bolem, gemmulam vernantis agri, natura maximum, sed nobile
delicium, vicinâ quidem graminum ambitione tegitur humilis
Aprilis filia, & in sua semper demissione florescis, sed sua spirat
proditores, sua vitatis odores, quem non inescet diffusa flosculi
sua veolentia? quem non rapiat luxubri in umbra purpura lan-
guescens? hanc carpe, sociaturus corona, odoram Electori pre-
biturus voluptatem. Venimus inde ad CITRUM, cujus flores
candidissimi fructus inter aureos emicantes quem non demulceant
afflatu sua visumo? nullibi fecundiore venustate luxuriâsse na-
tura videtur, flore nihil ad candorem amoenius, nihil ad feli-
citatibus augurium felicius, nihil ad odorem, quem dulcissimum spi-
rat, suavius, nihil ad poma Hesperidum malis aureis simillima
gratius potest excogitari, felicissimi Veris delicias, & Autumnis
disertis amabili conspiratione in eadem arbuscula vides coales-
cere, thesaurum hunc aureum obstetricante sol aurâ produxit, ut
eum inferas corona, & ne corona corona desit, aspice, ait, non vni-
nature miraculum, à tellure pregnante in hoc odorum calo sideris
ad instar ad fecunditatis ostentationem eductum, en ut floridum
hortum

Hortorum exornat Amphitheatrum, & in odoratam plebem regia
dominatur Majestate Corona Imperialis! & ne quid ad Im-
peratoriam Majestatem flori natura gratia denegaret, aurato Ca-
put diademate coronat, & floridum per tempora monile circum-
fundit, Cesareum hunc Alumnum Electori Serenissimo Magni
Cæsaris, & tot Regum Consanguineo Zephyri benignitas in letum
coronæ profudit ornamentum. Conspiraverant tum fortè ven-
torum furia in Anemonen Veris corculum, Adonidis vulnera
renovatura, Favonii favor hanc illice susurro inter primos
floridi Veris partus effuderat, & lato murice natura prodiga
consperserat, & constituerat emulam Auroræ, amabili purpura
certaturam, sed ridebat hæc hiatu toto ventorum impetus,
imò horum animabatur spiritu, diutius in floris hujus, ventiq;
certamine hæssisset oculorum curiositas, nisi Chloris eum decerp-
sisset, & me ad Heliotropium lato vultu pertraxisset, stabat no-
vum natura prodigium, & auream foliorum sobolem explicabat,
multum à genitrice terra, plus ab amato sole participans decoris, ut
hic sine luce non potest esse, sic flos ille sine sole, placuerunt aureæ
divitiæ, quas tota tum pandebat ambitione: aberat florum
decus, & Regina Rosa, quam tum vernans irrorantis Auroræ
suavium è colorato terræ thalamo provocabat, vix tota purpu-
rascentis astri firmata foliorum explicaverat, & nobilis terræ, so-
lisque filia pulcherrimo partu in nativum calathum liberaliter
effusa solum majestatis sibi constituerat, cum è spinoso satellitio,
& aculeato terrore innocentem libero, jam purpurissimum suum, &

JOANNI GUILIELMO sua substernebat decora, jam in nexile
sertum ibat, Charitesq; gratulabunda selectos flores concatena-
bant, cum Chloris diuinâ me rursus voce dignata: en, inquit,
satisfecit desiderio tellus obsequiosa, dota vi coronam floribus, di-
tabunt hanc Nymphæ gemmis pretiosissimis, in perpetuum fortu-
næ famulantis obsequium Electori Serenissimo thesauros suos
Thetys effundet, velut Ver suos profudit, indiuiduo nexu flores,
et gemmæ cohereant, hoc gratitudinis, et obseruantia debite
vinculo devinciatur liberalitate nulla, nullis officiis vincen-
dus animus, Anademate coronetur caput lauro, et auro coro-
nandum: vix finierat, ecce muneribus exquisitissimis advo-
lant advenæ gratæ, Nereides, Oreades, Naiadesq; coronæ na-
talis honorem condecoraturæ,

Infixes omnes facie, viridique iuventa
quæ comitate profusissima

Quidquid in auriferis colligit Indus aquis,
quidquid pretiosum è magnæ matris abstrusis visceribus, quid-
quid è Tethyos abyssis abstrusissimis egeritur, è sinu suo, ve-
lut ex Amalthææ cornu, fronte leta sufficiunt: quidquid fulgurat
in Adamante, translucet in Crytallo, scintillat in Pyropo,
lactescit in Unione, quidquid est discolor in Achate, caruleum
in Sapphiro, Serenissimo Electori JOANNI GUILIELMO
afferunt, offeruntque demississime.

Dithy-